













金湯借箸目錄卷之九

禁約部

禁姦盜

重法

羊侃

李綱

宗澤

馬知節

禁歇家

總引

禁樂戶



總引

禁茶坊

摠引

禁酒肆

摠引

禁混堂

摠引

禁浪遊

摠引



禁風火

摠引

禁積薪

摠引

禁訛謠

摠引

禁誼諱

摠引

禁夜行



摠引

禁私開禁門

摠引

禁虛發矢石

勢險節短法

禁擅出號令

摠引

禁妄動

摠引



禁吹響器舉竿表

搃引

禁擅離信地

搃引

禁擅入信地

搃引

禁近城房屋

搃引

禁近城土阜



摠引

禁私回賊話

摠引

禁私開賊書

摠引



金湯借箸卷之九

京口 周 鑑臺公甫 輯著

淮南 李長科小有甫 較訂

同郡 王孟申元嶽甫 叅閱

禁約部

禁者令民知所戒而不犯也禁而<sup>大害</sup>不能止則  
將未能令軍必敗矣太公曰殺一人而三軍  
震者殺之是刑上<sup>主意</sup>究此將威之所以行也若  
欲行罰必自貴者始輯禁約

禁姦盜

重法

壯丁上城家中無人看守小人乘機為姦為盜  
但有拿獲者當時打死示衆其飲食不足之人  
開具手本稟官設法賑借存恤

羊侃

梁侯景初圍城軍人爭入武庫羊侃命斬數人  
方止此即劫盜之漸也

李綱



李綱當金人圍城死守時有自門上擲下人頭至六七者皆云斬獲奸細及驗認即皆漢人首級綱于是捕獲數人斬以徇軍又有京師不逞之徒乘機殺傷內侍取其金帛而以所藏器甲弓劍納官請功綱命集守禦使司以次納訖凡二十餘人各言名姓皆斬之并斬殺傷部隊將者二十餘人及盜衲襖一領者強取婦人絹一疋者妄斫傷平民者皆卽斬以徇故外有強敵月餘日而城中竊盜無有也

## 宗澤

宋宗澤知開封府時教騎留屯河上金鼓之聲  
日夕相聞而京城樓櫓盡廢民兵雜居盜賊縱  
橫澤至首捕誅舍者數人下令曰為盜者贓無  
輕重並從軍法由是盜賊屏息民賴以安

## 馬知節

宋馬知節徙知定遠軍時部民入堡卒有盜婦  
人首飾者護軍止答而遣之知節曰民避外虞  
而來反為內盜所掠此而可恕何以肅下即斬



之又虜衆犯塞民相携入城知節與之約有盜  
一錢者斬俄有竊童兒錢二百者即戮之自是  
無敢犯者

### 禁歌家

#### 摠引

歌家不許居住城內恐有奸人窟宅

### 禁樂戶

#### 摠引

凡不良之人挾重貨而至多以娼家為窟宅蓋



娼家原為客設。又惟利是視。自不必詰所從來。而始受之明矣。矧有娼。即是盜。慣為賊主者乎。除在籍樂戶外。皆流娼也。地方保甲。不得賄留。然有衙門積蠹。為之護持。雖地方保甲。明知之。而亦不敢驅逐者。謂非奸人第一穢藪哉。宜嚴行驅逐。至在籍樂戶。著牌頭造冊。其樂戶幾家。某家樂戶幾名。婦女幾口。出示曉諭。使知不在示內者。即係流娼。庶人得以舉首。即各家留宿客商。仍着精細心腹。暗行体訪。庶奸藪空而奸



人自遠矣

# 禁茶坊

摠引

奸人設謀定計。多在茶坊者。慮酒後之言有漏泄也。酒嚴禁之。違者即將房入官。變價充餉。兩隣連坐。

# 禁酒肆

摠引

酒肆亦數奸之所也。賊信緊急。不許開張。或從



民便止許零沽不得留人聚飲違者罰亦同前  
禁混堂

摠引

潤俗不良之人每每寢宿混堂他郡亦有然者  
宜併禁

禁浪遊

摠引

奸人日間無計藏身每托閑遊掩人耳目遇警  
之日凡有浪遊名勝菴院者許人擒治究實重



賞告者

周臺公曰歇家梁戶茶坊酒肆混堂及名勝  
寺院果皆藪奸之所也若有明智之人正宜  
留之以為捕役耳目之徃一概拒絕尚屬下  
策但恐格外之事非時賢所及故寧取其次  
焉者耳

禁風火

摠引

兵臨城下城內居民失火者斬



禁積薪

摠引

警報緊急城中居民近城者不宜堆積稻草柴  
葦恐城外火箭飛入起火故宜禁諭少則收藏  
多則移置隙地為便

禁訛謠

摠引

凡有曉星氣術數之人悉收隸官府不得與他  
人竊語及禁論說怪異以惑衆心



禁誼諱

摠引

凡見賊大言誼諱者或被傷高叫驚走者遵照  
臨陣退縮軍法示衆臨敵回頭擅動者割耳夜  
驚者治其所由本官連坐

禁夜行

決當禁

摠引

周臺公曰城內柵欄之設所以備盜也今夜行  
者徹夜不止則柵欄徹夜不閑矣虛設何益必

委風力僚佐率精兵持鎖鍊專緝犯夜之人重  
懲一二勢家之惡子弟及悍僕豪奴則小民自  
不敢犯而盜賊無由乘機竊發矣但今日情面  
世界凡事輒阻必得咲比河清面如冷鉄之人  
方可與共商令行禁止也

禁私開禁門

加外鎖一法別見方略集

總引

城門謂之禁門見不宜擅啟閉也項因太平日  
久法紀縱弛守門官偷安自便高寢在家守門



軍得錢賣行啟閉任意從此悞事為禍不輕如  
有犯者定以軍法從事

### 禁虛發矢石

#### 勢險節短法

凡遇攻圍俟賊近賊令慣熟弩手善射者乘便  
射打務要奇中毋得亂發矢石火器既不中賊  
又損實用大率守具皆用于十步之內着着見  
功方為的當大略守里不如守丈守丈不如守  
尺愈遠徒勞愈近得力遠攻不中既費力又損

器何為設

禁擅出號令

摠引

政出多門軍政大忌一切號令俱出主將其副  
二以下不得擅易指揮

禁妄動

恐為賊所乘也

摠引

賊內應多在夜間或于倉庫放火或于空廟及  
高阜處放火或放砲為號即有十餘人雜入我



軍偷至城上砍傷守堞軍士吶喊稱言城破矣  
賊至矣我軍聞之驚潰賊因乘之大開城門延  
衆賊而入此千古覆轍也但戒嚴軍士守城者  
守城妄動即斬守門者守門妄動即斬又急傳  
守門之人但防內賊勿防外賊凡城內居民各  
執器械各立門前至天明賊計不行自授首矣  
禁吹響器舉竿表

恐為賊之應也

### 總引

兵臨城下之時城中居民不許妄豎高竿亂吹

響器并樂器小爆概不許作

禁擅離信地

摠引

周臺公曰分派一定之後各有職掌矣守門者  
守門守臺者守臺守梁者守梁守方者守方守  
庫者守庫守獄者守獄中軍居中軍營遊兵居  
遊兵營奇兵居奇兵營戰兵居戰兵營務令如  
山如林整齊嚴肅以脩調遣敢有擅離信地一  
步者斬首示衆



禁擅入信地

摠引

如修脚篦  
頭補皮匠  
賣興心之  
類

周臺公曰凡面生可疑之人假托閑遊貫串信地者必奸人欲潛行窺伺者也即時拿送究治○營兵欲買食物每隊自有火兵一名給牌入市餘者并禁萬不宜令手藝之人借名交易私入營盤

禁近城房屋

摠引

城外三丈內。若有房屋。賊或潛伏屋下。擊射守城軍民。或即用其樑柱作梯上城。或順風放火。或就本屋運土幫城起圍而登。皆無可奈何。有近城一丈以內者。城身又低于屋。此不守之城也。合行嚴禁。一毫不留。違者以通賊論。

### 禁近城土阜

#### 摠引

池外高阜之土。不宜存留。一則恐賊借以填濠。一則恐其碍我砲路。



禁私回賊話

總引

凡賊有諍話者不許私回巡邏報與中軍酌量  
回答一面傳令別面隄防暗算

禁私開賊書

摠引

城外有使至守門者簡實徑導詣主守內外軍  
民不得輒相見如得飛書持送本營對衆封送  
主守如城上城下有面生可疑交相接語或擲

物件。做手勢。號色。即時嚴拿。解主守究問。



金湯借箸目錄卷之十

號令部有引

行軍號令

斬斬

中軍號令

總引

四方號令

總引

旗幟燈火

總引

守染號令

分班

按名責治

有警輪守

傳食

歇宿法

糞砲確法

懸燈圖

統領

催役催值

無警輪巡

濟渴

便利法

懸燈說

火球圖



設柵門

備取索

巡邏官

對敵號令

誅後至

壯膽

定脚

靜聲

燭奸

斬逃亡

巡邏兵

加犒勞

齊心

順昌軍士皆奮  
潭州百姓效死

定氣

專日

堅志





金湯借箸卷之十

京口 周鑑臺公甫 輯著

淮南 李長科小有甫 較訂

同郡 王孟申元嶽甫 叅閱

號令部

令者令民知所遵而易從也。必上無疑。令斯下無二事。徒木之威。賢於反汗多矣。故信之一字。與智仁勇嚴均為將之首務也。輯號令

行軍號令

# 斬斬

大將既受命專征伐之柄。犒師於野。畢而下令。焉。夫聞鼓不進。聞金不止。旗舉不起。旗低不伏。此謂悖軍。如是者斬之。呼名不應。點之不到。往復愆期。動違師律。此謂慢軍。如是者斬之。多出怒言。怨其不賞。主將所用。倔强難治。此謂橫軍。如是者斬之。揚聲嘆語。若無其上。禁約不止。此謂輕軍。如是者斬之。所學器械。弓弩絕弦。箭無羽鏃。劍戟澁綉。旗纛凋敝。此謂欺軍。如是者斬。



之妖言詭辭撰造鬼神詭憑夢寐以流邪說恐  
惑吏士此謂妖軍如是者斬之奸舌利嘴鬪是  
攢非搆怨吏士令其不悅此謂謗軍如是者斬  
之所到之地凌侮人民淫亂婦女此謂姦軍如  
是者斬之竊人財貨以為己利奪人首級以為  
己功此謂盜軍如是者斬之將軍聚謀逼帳屬  
恒竊聽其事此謂探軍如是者斬之或間所謀  
及軍中號令揚聲於外使敵聞知此謂背軍如  
是者斬之使用之時結舌不應低眉仰首似有

難色此謂狠軍如是者斬之出越行伍爭前亂  
後行列喧譁不馴號令此謂亂軍如是者斬之  
託傷詭病以避艱難甚或佯死因而逃遁此謂  
詐軍如是者斬之主掌財帛給賞之際阿私所  
親使吏士結怨此謂黨軍如是者斬之觀寇不  
審探寇不詳到而言不到而言到多而言  
少少而言多此謂誤軍如是者斬之營壁之間  
既非犒勞無故飲酒此謂狂軍如是者斬之此  
令既立吏士有犯之者當斬斬之者大將以問



諸將曰罪當斬遂令吏士挾於外斬之斬斫之  
後使傳令告吏士曰某人犯某罪與諸將議當  
斬已處斷訖公等宜觀此以自戒是大將以禮  
行罰使卒無冤死衆有畏心矣故令者將之大  
柄也可不重乎是以孔明涕泣而斬馬謖穰苴  
立表而誅寵臣此皆先遵法令後收功名者也  
中軍號令

總引

城中高處可以四面瞭視之地主守居之設立

中軍黃旗一面黃紙雙燈一盞單燈分青紅白  
黑紙各一盞如黑紙難明則代以綠又備青紅  
白黑小旗各一面大流星爆百枚大銅鑼一面  
巨鐘一口碗口砲六口手銃亦六口用止三口  
多三口者  
備不其隨銃應該木馬火藥火繩送子等件俱  
響也  
備足撥好軍一名專管火種日夜瞭城外伏路  
號火銃砲吹鼓手八名凡遇上城時有小令旗  
一面上書掌蹄二字吹手見此旗方掌號放砲  
三聲即將黃旗豎起以便齊人上城遇下城時



有小令旗一面上書鳴鑼二字吹手見此旗方  
鳴鑼即將黃旗落下以便諭衆下城遇夜以燈  
代旗吹手若不見掌號之旗掌號之燈切不可  
掌號不見鳴鑼之旗鳴鑼之燈切不可鳴鑼每  
更盡吹喇叭二聲催人換更如日間東方有警  
放砲三發則加青小旗餘方倣此擊鼓催兵落  
旗鼓止如夜間東方有警放砲三發則加青單  
燈餘方倣此擊鼓催兵落燈鼓止游兵戰隊各  
認方色策應而諸原派守城者不得擅離信地

以防聲東擊西也。如二方三方四方交發亦各認本色策應。失誤者斬。

## 四方號令

### 總引

四面城樓各豎本方旗號。以六丈布為率而游兵將領雉城長各認本方色旗。如本方有警。晝則搖動本方色旗。夜則又起本方色單燈。擊鼓催兵。無事則鳴鑼止之。至于油燭火藥選軍種火等項俱昭中軍。



# 旗幟燈火

## 總引

中軍十二丈黃布大旗一面。桅竿長五丈。晚用黃紙

雙燈

四門六丈青紅白黑布大旗四面。桅竿長二丈。晚用各方色單燈。黑紙難明。以綠代之。下倣此。

四角六丈大旗四面。東南方上半青下半紅。西南方上半紅下半白。西北方上半白下半黑。東北方上半黑下半青。桅竿長二丈。晚用各方色單燈。如東南

方上青下紅餘可類推

每百朶二丈各方色布旗一面竿一丈五尺晚用

燈小單

每二十五朶一丈各方色布旗一面竿一丈晚用

燈小單

每五朶五丈各方色小布旗一面竿七尺晚用小單

燈墜城下

中軍昭四門四角大小方色旗各一面以便傳

警

晚用各方色單燈

旌旗金鼓所以一人之耳目也爰



製八卦之旗以太極為中軍其詭設物象書符  
畫魅者弗取也夜則以燈代之

### 守梁號令

#### 分班

守梁夫必計其多寡派作二班或三班每一梁  
用灰粉白內書梁夫姓名各認定防守分班更  
換以休養精力如頭班一晝一夜次日即換二  
班再次即換三班各置簿定限彼此不得推諉

#### 統領

五梁為一伍立一能幹者為伍長二十五梁有  
城長百梁有雉長伍長城長雉長各執旗伍長  
填五梁夫姓名在旗內城長書五伍長姓名在  
旗內雉長書四城長姓名在旗內以便統領查  
核東面自南起伍長旗寫天地玄黃字號城長  
旗寫東城一東城二字號雉長旗寫東雉一東  
雉二字號餘可類推各門各角又分管各雉長  
白日止監旗號各長輪守之非冠至不用軍民  
上城以息其力



按名責治

凡梁口上用石灰塗白將各戶所出之人或正身或僱身俱要真正姓名左右排書其鄉紳之家即書某鄉紳出某人一一明列有力大戶僱人數多亦上書本名下書所僱之人姓名以便臨時查點既受若值應代若役如有違悞替身按法問罪主人但以失于訊察輕重抵罪

僱役僱值

守梁有僱募者俱要强壯守分良民不得以老

弱奸棍充數。每日工食官定價米二升錢十文。錢十文者薪資也。殺賊有功。犒賞在外。

有警輪守

五梁為一伍。一當有警。每夜一人輪守一更。每梁各置一石堆。大二三尺。高稱之。每更一夫執小旗登石。擊柝。站立既高。則可以俯瞰五梁。城下有無奸細。其餘四人穩卧。倘遇有警。喚醒同伍四人。則名雖一夜之守。寔止一更之勞也。轉更輪換。聽中軍喇叭。各門應之。每伍置一木牌。



註定某人某更不得推諉失誤伍長提督之該  
直者要注。定眼力。不得減滅燈火。又戒出頸外  
望。以防飛矢銃彈所傷。輪睡者亦不得脫衣如  
聞中軍砲響。懸起雙燈。則同伍者一齊向外持  
械。站立力拒。候中軍燈落。止號方許就睡。

### 無警輪巡

無警夜巡。以三十梁為一牌。每夜止用一梁之  
人上城一名。巡上半夜。一名巡下半夜。各帶器  
械。燈火。靜行視聽。不必擊柝。有所見聞。鳴鑼警。

衆止在三十梁界內往來巡視次早將牌轉送  
下戶每月輪流一遍週而復始一年一家不過  
數夜就是小本生意白晝貿易夜間巡城亦不  
耽悞

### 傳食

城上鍋灶不便城下各照所分人口五梁屬一  
火頭一日三飯三更時麵食火頭各照所管之  
人以器盛飯城上人用索扳取每鹽菜總一盤  
有送私食者不禁



濟渴

每五梁置大水缸一口一以濟渴一以脩火

歇宿法

每梁口五個立草廠一間下用板鋪勿使泥濕  
傷人上用苫蓋四面皆遮蔽風雨遇至樓鋪者  
即聽以樓鋪充之不必另立

便利法

五梁共大鐵鍋一口砌如灶式下可容火大小  
便利悉在其內賊來攻城勢必仰面煮令沸熱

杓澆甬函噴各聽人便

### 糞砲確法

不必入炮內  
放之但以諸  
物同糞煎熟  
澆之甚便

先以人清塼槽內盛煉擇靜熬乾打碎用篩羅  
細盛在甕內每人清一秤用狼毒半觔草烏頭  
半觔巴豆半觔皂角半觔砒霜半觔砒黃半觔  
班毛四兩石灰一觔荏油半觔入鑊內煎沸入  
薄瓦罐容一觔半者以草塞口砲內放以擊攻  
城人可以透鐵甲中則成瘡潰爛放毒者仍以  
烏梅甘草置口中以辟其毒




# 懸燈式

每五梁一燈。用新油紙者方明亮。燈上用一油紙蓋以防雨。蓋上仍壓一小瓦片以防風。若箬簷篷蓋尤佳。每燈製一挑竿。索懸城下。離地七尺。火光下散。我能見賊。賊不見我。換燭即輪更之人。不許誤事。然懸索宜細。止勝一燈。庶賊不能攀躋。每十梁用一火毬。所費比油燭減易。燈油梁長派脩。

# 火毬式

# 懸燈式





設柵門

上城處豎立柵門。撥兵看守。不許梁夫私下。亦不許閑雜人潛上。一防攪亂軍伍。一防奸細外招。止送飯換班。開放至晚。中軍放砲。則封鎖不開。如緊急。則茶飯挈送城上。止於換班放出。斬逃亡。

守梁夫下城逃走。遊兵拿獲到官。立斬。備取索。

城上每段立一典掌。置小旗數面。凡遇需用物。

件。寫字帖旗上。舉示城下。城下各段。亦有主者。  
預簡備用雜物。各為部分。謹同舉旗。即應送上。  
城。勿令緩急缺乏。又設雜役軍人。量為多寡。專  
司負挈所需物件。又每雉頭。備桌一張。筆硯一  
副。小紙條寬一寸者一百。以備緩急取物。寫字  
傳知。

### 巡邏兵

各梁兵。勤惰不一。須常稽察。然使人人點名。更  
更喧嚷。則守梁者不能睡眠。精神困疲。非計也。



掣一旗賞銀  
一方則梁夫  
自無力賄免  
而可以免買  
放之弊矣

當以城門為限如東門至南門之類每門設巡  
邏兵十名置小紅旗一面中書巡邏字每更兵  
二名輪班絡繹巡視止挑燈執旗往來梁口不  
許叫喝打柳搖鈴若有梁夫熟睡不行瞭望并  
梁口燈火漸滅者隨掣更旗次早總巡官處稟  
究仍行喚醒點燈不許擅自喝打賣法重治

### 巡邏官

設役巡邏猶恐疎虞每門設巡警官二員各與  
馬匹置更牌更箭如東巡至南門時值二更

東門官將一更箭交付南門官收驗。南門官隨付二更牌與東門官為驗。輪番迭周。次早送總巡官處查考。若各官將牌箭私授不親巡警者。查出以軍法重治。其巡警官先察巡邏十人。若見各梁口偶有睡熟失瞭。隱燈者。掣其更旗。巡旗次早并送總巡官處究治。亦止許巡視不得呼唱敲梆驚擾守梁之人。

加犒勞

夜中或值風雨。正好人乘機竊發之會。宜倍加



嚴謹預備簣笠臨時取用當風雨之夜無論家人僱人格外加勞

對敵號令

誅後至

遇有警報中軍晝則放砲車旗夜則放砲車燈各軍民隨即炤派信地各執器械俱向外立定如有遲延不到者梁長指名報官本犯即以軍法處治容隱者一併治罪

齊心

守城要心齊。城上四方防守之人。無分貴賤大小。均以性命為急。各為自己身家守。非為他人效命也。先要齊心一体。勿懷慳心。我飽而人飢。勿懷懶心。人勞而我逸。勿爭利而趨。勿懼害而避。勿因小嫌而彼此賭氣。勿懷小忿而彼此相爭。至於一朶有急。一伍協力。一賊上城。五夫下手。敢有觀望退縮躲避不前者。一伍之人俱斬首示衆。

劉錡守順昌。置家寺中。積薪于門。戒守者曰。脫



有不利即焚吾家母辱敵手也。于是軍士皆奮  
男子脩守戰。婦人礪刀劒。爭呼躍曰。平日人欺  
我八字軍。今日我當為國家破賊立功。大敗金  
人。

周臺公曰。這是一個齊心的樣子。然上有劉  
錡。則軍士自奮勇矣。

李芾至潭州。城中守卒不滿二千。芾結峒蠻為  
援。繕器械。峙芻糧。柵江修壁。及元兵至。芾慷慨  
登陴。與諸將分地而守。民老弱皆出結保。伍助。

之。不。令。而。集。芾。日。以。忠。義。勉。將。士。死。傷。相。籍。人。  
猶。飲。血。乘。城。殊。死。戰。有。來。招。降。者。輒。殺。之。以。徇。  
周。臺。公。曰。這。是。兩。個。齊。心。的。樣。子。然。上。有。李。  
芾。則。百。姓。自。效。死。矣。

### 壯膽

守。城。要。膽。壯。死。賊。性。命。與。我。一。般。彼。不。皆。勇。我。  
不。皆。怯。彼。以。捨。命。成。功。我。以。貪。生。取。死。耳。彼。在。  
城。下。仰。攻。有。十。倍。之。難。我。在。城。上。下。打。有。十。倍。  
之。易。人。見。一。賊。扒。城。便。爾。膽。顫。見。一。賊。上。城。便。



欲驚逃。不思一人驚走千人皆散。一散之間。賊俱入城。父母妻子箇箇殺死。若放開膽力站住。不動與賊敵。開賊安得上城。是站住者滿城得活。走散者大家全死。但有見賊退走一步者。登時斬首示衆。

### 定氣

守城要氣定。凡百步以外。賊吶喊衝塘。必不可動。切忌妄發矢石火器。既不中賊。又損寔用。嘗曰。守里不如守丈。守丈不如守尺。愈遠徒勞。愈

近得力。若氣不先定。便自慌忙。亂放鎗砲矢石。  
器械已盡。氣力已乏。心膽已亂。待賊近城。何以  
敵之。此守城第一大戒也。必待離城數十步。方  
齊力攻打。此勢險節短之意也。記取。記取。殺賊  
後。各人忌須嚴守自己梁口。靜聽上人頒賞。均  
分。不許爭功爭賞。致失守誤事。違者以軍法重  
處。

周臺公曰。攻城每每先遣游騎于百步  
外。馳驟旋繞。誘發火器。只待數放之後。或子



藥匱乏。或銃熟不堪再裝。方合力齊攻。我兵坐此失事。已非一次。豈可再受其愚弄耶。

### 定脚

守城要脚定。各守信地。賊徒攻城。每每從東擊西。從南擊北。從晝擊夜。從晴擊雨。總是出其不意。攻其不備。八個字耳。兵法擅離信地一步者。斬。雖一面十分緊急。自有遊兵火速向緊急之方。齊力防護。三面之人。不許移動。若遇他人一槩。斬首示衆。

# 專目

守城要目專目力不精則緩急失候守梁之人  
遠望近視頭不敢回顧眼不敢轉睛放銃發箭  
則端相賊身下石投木則端相賊腦下三眼刺  
鎗則端相賊心使鎗斧大棒則端相賊頸見手  
則斷其手見頭則斷其頭手眼萬分留心不可  
遲緩一刻毫髮之間生死所係任他千轟萬蹴  
吶喊搖旗只要眼力觀看不可一毫動心凡梁  
長城長雉長巡視困倦者輪流歇息但有見班



打盹怠惰者穿耳示衆

### 靜嚴

守城要嚴靜。喧嘩囂亂。此敗道也。故城上招呼  
各以手勢。說話各以喉聲。夜間尤要安靜。無嚴  
聽賊消息。四城門俱有更鼓。每交點放砲一發。  
高聲人大叫一聲。云大家小心。城上衆人齊喊  
一嚴。餘時俱不許動。一些嚴息。使賊不得掩彼  
形。嚴探我消息也。城上白日屏去鈴柝。止豎旗  
號。不許一人喧嚷。即有攻打被傷之人。亦不得

大言震喊高叫驚走但有隔染間語者割耳示衆

### 堅志

守城要志堅堅兵貴如山千搖不動百震不驚庶乎賊智自窮我守可固昔曹成攻賀州日久不下忽有一人登城大呼曰賊登城矣守城之人都滾下城賊遂登城此曹成之計一人訛言萬人驚走以後守城丁寧此令但有一人誣言惑亂人心者守城之人寸步休移抵死莫動將誣



言之人與先動之人當時斬首懸高竿示衆

### 燭奸

守城要燭奸賊在城外屯聚以逸待我勞以飽  
待我飢以寧耐挫我銳以優游懈我心殺言解  
圍以安我意散言增兵以寒我膽乍動乍靜以  
疲我精神緩進零衝以耗我氣力忽散忽聚以  
老我智謀築壘增柵以示彼持久我意已定一  
切勿動撤圍毋喜疾攻毋驚歸師毋躡示怯毋  
進約和毋信偽隙毋乘忽退毋懈久持毋數古

今名將用兵。未有無節制號令。而能取勝者。今  
將中軍以下。號令合行。刊刻守城之人。各給一  
本。如某項人。某數款要緊識字者。自讀不識字  
者。聽識字之人教誦解說。字字依行。





今令下...  
將...  
士如...  
本...



